

Mwy na swydd!



ACADEMI
GOFAL
GWYNEDD

More than a job!



www.gwynedd.llyw.cymru/AcademiGofalGwynedd

Croeso

Annwyl Ymgeisydd

Diolch i chi am ddangos diddordeb yn y cynllun hollol newydd hon.

Mae'r Cyngor yn darparu amryw o wasanaethau gofal i drigolion Gwynedd er mwyn sicrhau bod pobl yr ardal yn cael y gefnogaeth orau bosib yn eu cymunedau, gan warantu bod llesiant, urddas ac annibyniaeth unigolion yn cael eu parchu. Yn yr un modd, rydym fel Cyngor yn sicrhau bod defnyddwyr ein gwasanaethau yn cael y gwasanaeth yn ei iaith o ddewis ac felly mae'r gallu i siarad neu ymrwymiad i ddysgu Cymraeg yn hollbwysig yn y maes yma.

Drwy gysylltu ag Academi Gofal Gwynedd gallwn sicrhau y cewch brofiadau yn y maes ac mi wnawn eich cefnogi wrth i chi ennill cymwysterau perthnasol.

Am fwy o wybodaeth gweler ein gwefan:

www.gwynedd.llyw.cymru/AcademiGofalGwynedd



Allwch chi weithio mewn Gofal?



Ydych chi yn:

Garedig?

Cyfeillgar?


Amyneddgar?

Empathetig?

Oes gennych chi galon mawr?

Allwch chi newid bywydau?

Ydych chi eisiau gwneud gwahaniaeth?

Does dim angen profiad, dim ond y  i helpu! Bydd hyfforddiant a chefnogaeth lawn ar gael, fydd yn arwain at gymhwyster proffesiynol.

Pam gweithio mewn Gofal?



Ddim yn siwr os yw Gofal yr yrfa i chi?
Sganiwch yr QR i weld yr holl gyfleoedd sydd ar gael o fewn y maes
yma yng Ngwynedd!



Mae gweithio mewn Gofal mor amrywiol a gwobrwyol. O blant bach i'r henoed, mae rhywun yn ein cymuned angen eich cefnogaeth. Ydych chi eisiau gwneud gwahaniaeth?

Efallai bydd y fideos astudiaethau achos o unigolion sydd eisoes yn gweithio yn y sector Gofal Cymdeithasol yn eich helpu i wneud penderfyniad. Gallwch wyllo'r rhain ar [wefan Gofalwn Cymru](#).

Ein gwaith yma yng Nghyngor Gwynedd

Ein huchelgais yw gweld pawb yng Ngwynedd yn...

Amcanion Llesiant

- **Mwynhau bywyd hapus, iach a diogel**
- **Derbyn addysg o'r radd flaenaf fydd yn caniatáu i ni wneud yr hyn y dymunwn ei wneud**
- **Ennill cyflog digonol i ni fedru cynnal ein hunain a'n teuluoedd**
- **Cael byw mewn cartrefi o ansawdd o fewn ein cymunedau**
- **Cael byw mewn cymdeithas naturiol Gymraeg**
- **Cael byw gydag urddas ac yn annibynnol gyhyd ag sy'n bosib**
- **Cael manteisio ar harddwch naturiol y sir**

Byddwn yn gwneud hyn drwy ganolbwyntio ar...

Blaenoriaethau Gwella

Creu economi hyfyw a ffyniannus

Roi cyfle i bob disgybl gael y cyfle i gyflawni ei botensial

Leihau anghydraddoldeb o fewn y sir

Sicrhau mynediad at gartref addas

Helpu pobl i fyw eu bywydau trwy gyfrwng y Gymraeg

Helpu pobl sydd angen cefnogaeth i fyw eu bywydau fel y dymunant

Roi pobl Gwynedd yn ganolog i bopeth yr ydym yn ei wneud

Ymateb i'r argyfwng newid hinsawdd

...fydd yn cael ei gynnal gan holl Adrannau'r Cyngor.

Amlinelliad o Amodau a Thelerau Gwaith Cyffredinol

Yn ogystal â boddhad y swydd a chyfle i wneud cyfraniad gwerthfawr, mae'r Cyngor yn awyddus i chi gael y gwerth mwyaf o fod yn aelod o staff y Cyngor. Oherwydd hyn ceir mynediad i lawer o fuddion ar draws y Sir. Am fwy o wybodaeth gweler -

[Buddion o weithio i ni](#)



Llwybrau i mewn i yrfa mewn Gofal

Os am ddod draw am flas o weithio yn y sector Gofal neu os angen cymorth i gyrraedd eich swydd ddelfrydol gall yr Academi Gofal eich helpu.

Mae gennym amrywiaeth eang o wahanol opsiynau ar gael er mwyn eich arwain a chynghori wrth i chi ddewis eich gyrfa.



Ymweliadau Safle

14+

Oes gennych chi **wir** ddiddordeb yn y maes Gofal? Ydych chi yn awyddus i wybod mwy am waith Gofal, unai cyn dewis astudio lechyd a Gofal ymhellach neu cyn camu mewn i'r byd gwaith?

Mae rhai o wasanaethau Gofal Cyngor Gwynedd yn barod i agor eu drysau i bobl sydd eisiau deall mwy am y sector, deall mwy am y math o swyddi sydd ar gael, a deall mwy am beth mae gweithio yn y maes gwir yn ei olygu. Rydym yn hapus i groesawu pawb sydd efo diddordeb dilyn gyrfa yn y maes.

Wrth ddilyn y linc QR isod gellir gweld yr holl wasanaethau sydd yn fodlon cynnig ymweliadau safle. Mae'r pecyn yn cynnwys mwy o fanylion am y gwasanaethau, pa ddyddiau o'r wythnos y gallent gynnig a'r niferoedd all fynychu ar y tro. Mae pob gwasanaeth yn wahanol felly darllenwch bob cynnig yn ofalus.

Ar hyn o bryd mae Hafan y Sêr, Gwasanaethau dydd Anableddau Dysgu a Chartrefi Gofal yn fodlon trefnu ymweliadau.

Gofalu yng Ngwynedd

Caring in Gwynedd



Gwirfoddoli

Oedran i'w
gytuno
gyda'r
gwasanaeth
16+

Mi allwn drefnu cyfnod o wirfoddoli o fewn y gwasanaeth. Efallai eich bod angen gwirfoddoli fel rhan o'ch BACC Cymraeg neu eich bod eisiau gwirfoddoli er mwyn cael blas o weithio yn y maes. Beth bynnag yw eich rheswm mi allwn eich helpu.

Er mwyn gwneud trefniadau i wirfoddoli cysylltwch â
gofalu@gwynedd.llyw.cymru

Un engraifft o'r gwasanaeth sydd yn derbyn gwirfoddolwyr yw Amser Ni. Mae Amser Ni yn mynd â phlant a phobl ifanc sydd ag anghenion ychwanegol ar weithgareddau hwylus gan gynnwys aros dros nos.

Fel gwirfoddolwr bydd disgwyl i chi sicrhau bod pawb yn hapus ac yn cael amser da

Byddem hefyd yn disgwyl ichi gymryd rhan yn y gweithgareddau a gynlluniwyd.



Byddwn yn eich nôl a danfon adref.

Telir am fwyd a gweithgareddau.



Profiad gwaith

16+

Mae gan y sector Gofal Cymdeithasol lawer o opsiynau gyrfaol i'w gynnig. Beth am ddod atom ni am gyfnod o brofiad gwaith i gael blas ar y math o waith sydd ar gael ac i gael cip olwg o weithio yn y sector?

Mae nifer fawr o'n gwasanaethau yn barod i agor eu drysau i'ch croesawu chi. Os oes gennych ddiddordeb mewn cyfnod o brofiad gwaith mewn cartref gofal, gwasanaethau dydd, yn cefnogi yn ein timau plant neu'n cysgodi Gweithwyr Cymdeithasol neu Therapyddion Galwedigaethol gallwn eich helpu.

I ymgeisio am brofiad gwaith, gofynnwn yn garedig i chi gwblhau ffurflen gais gyda mwy o fanylion amdan eich hun a pham hoffech chi gwblhau profiad gwaith gyda ni. Manylion llawn, pecyn opsiynau a ffurflen gais ar gael drwy ddilyn y linc yma -



Edrychwn ymlaen at gael chi draw i'n gwasanaeth ar brofiad gwaith hefo ni.

www.gwynedd.llyw.cymru/profiadgwaithgofal





ACADEMI
GOFAL

17+

Beth yw Academi Gofal Gwynedd?

Mae'r cynllun yn gyfle unigryw i unrhyw un ddatblygu gyrfa yn y sector Gofal yng Nghyngor Gwynedd. Byddwch yn derbyn profiadau ymarferol ac yn cael amryw o gyfleoedd i ddatblygu drwy gael eich mentora gan arbenigwyr yn y maes. Bydd cyfleoedd datblygu parhaus ar gael i chi gael meithrin a datblygu eich sgiliau i sicrhau gyrfa hir a llwyddiannus o fewn gwasanaethau Gofal Cyngor Gwynedd.

Os ydych chi erioed wedi meddwl y byddech chi'n hoffi gwneud gwahaniaeth wrth gefnogi pobl yn eu cymunedau mae'r Academi Gofal yn berffaith i chi.

Am fwy o wybodaeth sganiwch yr QR



Manteision ymuno â'r Academi

Ennill cyflog wrth ddysgu



Datblygu llwybrau gyrfa glir



Cwblhau cymwysterau o werth



Rydym yn cynnig 10 gwerns gyrru
am ddim i'ch helpu i fynd ar y
ffordd



Derbyn cefnogaeth a chymorth
profiadol



Gofynion Sylfaenol

Bydd angen TGAU gradd C neu gyfwerth ar yr ymgeiswyr llwyddiannus naill ai mewn Cymraeg neu Saesneg.

Mae yn ddymunol bod gan yr ymgeiswyr llwyddianus TGAU Mathemateg gradd C neu gyfwerth neu yn barod i weithio tuag at gael y cymhwyster.

Nid oes angen profiad blaenorol.

Rydym yn croesawu ceisiadau gan unrhyw un sy'n llawn cymhelliant, sydd ag agwedd garedig a gofalgar ac sydd am wneud gwahaniaeth i fywydau pobl eraill.

Bydd angen i chi ddangos eich bod yn berson sensitif, gonest a dibynadwy gyda'r gallu i weithredu mewn modd sy'n parchu hawliau'r unigolion bob amser ac yn dangos parodrwydd i ddatblygu.

Cymraeg yw prif iaith y Cyngor, mae gofyn bod gennych y gallu i gyfathrebu yn hyderus drwy'r Gymraeg neu eich bod yn dangos parodrwydd i fanteisio ar gyfleoedd i ddatblygu eich sgiliau ieithyddol. Mae hyfforddiant yn cael ei gynnig i ddysgu Cymraeg ac i ddatblygu eich sgiliau Cymraeg ymhellach, a hynny ar draws pob lefel.



Datblygu drwy'r Academi



Ymuno â'r
Academi

Cyfnod anwythiad 8
wythnos
Hyfforddiant allweddol
2 wythnos brofiad
gwaith mewn tim
oedolion, plant ac
anableddau dysgu

Cymhwyster mandadol
Iechyd a Gofal
Lefel 2 (Oedolion)

Cymhwyster mandadol
Iechyd a Gofal
Lefel 3 (Plant)

Blwyddyn o waith gan
gymryd mwy o gyfrifoldeb
e.e. meddyginiaeth

Rôl Champion,
Cymhwyster Lefel 3 e.e.
Symud a Thrin, Dementia.

Yn arwain at opsiynnau
datblygu.

Ymgeisio i wneud cymhwyster
Gradd Gwaith Cymdeithasol
blwyddyn 1 drwy'r Brifysgol
Agored.

Cyfle i ymgeisio am swydd
Uwch Weithiwr neu Ddirprwy
a chwblhau cymhwyster
rheoli Lefel 4 ac yna Lefel 5
mewn swydd Rheolwr.

Ymgeisio am rôl
Hyfforddai Therapi
Galwedigaethol cwrs
rhan amser gradd 4
blynedd drwy
Brifysgol Glyndŵr.
Cwblhau tra dal i
weithio.

Cyfle i ymgeisio am rôl
Hyfforddai Gwaith
Cymdeithasol Prifysgol
Agored blwyddyn 2. Cwblhau
tra dal i weithio.



Ein Tîmau!

Gellir rhannu gwasanaethau Gofal Cymdeithasol o fewn y Cyngor i adrannau:

- Plant a Chefnogi Teuluoedd
- Oedolion, Iechyd a Llesiant
- Anableddau Dysgu

Ceir fwy o fanylion am ein tîmau yn y tudalenau nesaf.



Gwaith adran Plant a Chefnogi Teuluoedd

Mae'r adran Plant a Chefnogi Teuluoedd yn darparu amryw o wasanaethau gofal cymdeithasol i drigolion y sir.

Pwrpas yr adran Plant a Chefnogi Teuluoedd yw sicrhau fod plant a phobl ifanc yn cael eu diogelu rhag niwed; yn profi sefydlogrwydd yn eu bywyd ac yn cael y cyfleoedd gorau o ran eu hiechyd a'u lles.

Mae sawl tîm o fewn yr adran ac yn gweithio o fewn 3 haen o angen:

1. Ymyrraeth Gynnar
2. Anghenion gofal a chefnogaeth, diogelu a gofal
3. Timau Arbenigol

Yng Ngwynedd rydym yn credu y dylai pob plentyn a pherson ifanc gael y cyfle i gyrraedd eu llawn botensial. Rydym yn cydnabod bod plant yn datblygu orau pan maent yn cael eu cefnogi i dyfu a llwyddo o fewn eu teuluoedd a'u cymunedau. Rydym hefyd yn cydnabod bod cynnig ymyrraeth yn gynnar yn hanfodol er mwyn helpu plant a'u teuluoedd i ffynnu ac i leihau'r angen am wasanaethau mwy dwys.



Sut beth yw gweithio yn y tîm Plant?

Ti'n gwybod bo chdi'n gwneud gwahaniaeth i deuluoedd.



Mair Hughes
Gweithiwr allweddol

Fyswn i yn argymhell rhywun i ddod i weithio i'r adran yma. Da ni yn gwneud gymaint o wahaniaeth i fywyd teuluoedd.

Emma Barton
Uwch weithiwr cefnogol

Mae pob dydd yn swydd yn wobrwylol. Dwi'n mwynhau fy swydd.



Linda Roberts
Gweithiwr Cefnogol

Cael boddhad mewn swydd o helpu rhywun a gweld gwahaniaeth.



Ceri Rhiannon
Gweithiwr
Cymdeithasol

Ar ddiwedd y dydd, da ni yma helpu.



Eleri Jones
Gweithiwr cefnogol

Mae'r teimlad rwyf ti yn cael o weithio hefo pobl yn lot fwy gwerthfawr na phres.



Alaw Paul
Gweithiwr cymorth
ieuenctid

Gwaith adran Oedolion, Iechyd a Llesiant

Mae'r adran Oedolion, Iechyd a Llesiant yn darparu amryw o wasanaethau Gofal Cymdeithasol i drigolion y sir sydd angen cyngor, gwybodaeth, cymorth neu ofal oherwydd anghenion penodol.

Mae'r Adran Oedolion, Iechyd a Llesiant yn darparu nifer fawr o wasanaethau gwahanol i gefnogi trigolion Gwynedd. Canran bach ond pwysig iawn o'r gwasanaethau a ddarperir ydi - cartrefi preswyl, gwasanaethau dydd a gofal cartref.

Amcan y gwasanaethau yw darparu gwasanaeth o'r radd flaenaf i alluogi, cefnogi a hyrwyddo pobl i fyw bywydau bodlon ac mor annibynnol ag sy'n bosib. Bydd yr adran yn canolbwyntio ar fywyd y defnyddiwr, gan gynnig gwasanaeth hyblyg, gwbl 'berson canolig' ac wedi ei selio ar ansawdd ac emosiwn. Bydd yr adran yn hyrwyddo'r unigolion sydd yn defnyddio'r gwasanaeth i gael llais, rheolaeth a dewisiadau dros eu bywydau eu hunain ac o'r gwasanaethau y maent yn eu derbyn. Bydd yr adran y ceisio cyfarch a hyrwyddo anghenion corfforol, emosiynol, meddyliol neu gymdeithasol unigolion.

Nod yr adran ydi galluogi oedolion Gwynedd i: 'Fyw fy mywyd fel rwyf eisiau ei fyw.'



Sut beth yw gweithio yn y Tîm Oedolion?

Beth sy'n sefyll allan fwyaf ydi pa mor rewarding ydi'r job.

Lia Roberts
Swyddog prosiect
Dementia Actif



Mae gwahanol elfennau i'r swydd. Dwi yn hoffi'r gwahaniaeth dwi'n gallu gwneud i fywydau pobl.

Emma Quaek
Rheolwr prosiect Dementia Actif



I rywun sy'n hoff o sialens, mae'r swydd yma'n berffaith.

Gillian Owen
Cydlynnydd
Gofal Cymunedol



Dwi'n mwynhau'r amrywiaeth. Mae gwaith gofal yn rhoi cyfleoedd amrywiol i bawb.

Huw Ceiriog
Rheolwr cofrestredig



Mae rôl fi mor amrywiol.

Keneuae Morgan
Rheolwr Cynorthwyol
Cartref Gofal



Gwasanaeth Anableddau Dysgu

Dysgu

Mae'r gwasanaethau Anableddau Dysgu yn disgyn o dan adran Oedolion, Iechyd a Llesiant.

Pwrpas y gwasanaethau yw cyfarch a hyrwyddo anghenion llesiant unigolion ag anabledd dysgu. Boed hynny'n anghenion corfforol, emosiynol, meddyliol neu gymdeithasol. Bydda angen sicrhau bod y gwasanaethau yn cyfarch be sy'n bwysig i unigolion ag anabledd dysgu a'u gofalwyr.

Er mwyn sicrhau bod anghenion unigolion yn cael eu cyfarch yn llawn, bydd ystod eang o'n gwasanaethau'n aml yn cael eu cynnig mewn partneriaeth. Gall hyn fod yn gefnogaeth i fyw yn annibynnol, cefnogaeth allan yn y gymuned, neu lawer mwy.

Mae'r gwasanaethau Anabledd Dysgu yn canolbwyntio ar ddarpariaeth sy'n cynnig cyfleoedd i gymdeithasu a chynnal perthnasoedd. Mae ffocws ar ddatblygu gwasanaethau cymunedol drwy'r hybiau lleol a chynnig gwasanaethau sydd yn cael eu harwain gan yr unigolion a'u gofalwyr.

Mae'r maes Anableddau Dysgu mor amrywiol. Mae'n gyfle i fagu profiad a sgiliau i wella eich dealltwriaeth ar sut i gefnogi unigolion hefo anghenion cymhleth a dwys. Mae sgôp mawr i ddatblygu yn y maes.



Sut beth yw gweithio yn y tîm Anableddau dysgu?



Dwi'n caru'r swydd. Di'r un dau ddiwrnod byth ru'n peth.

Chris Roberts
Gweithiwr Cefnogol

Dwi'n hoffi cael mynd i gyfarfod pobl.



Mark Bentham
Gweithiwr Cymdeithasol




Mae wedi newid bywyd fi am y gorau, fyswn i byth yn sbio nôl rŵan.

Carys Jones
Cymhorthydd Gofal

Dwi erioed wedi bod mor hapus.

Meical Morris
Cymhorthydd Gofal





Cyfleoedd Cymwysterau



Lefel 2 Gofal ac Iechyd Oedolion

Mae'r cymhwyster yma yn cynnwys 5 uned sydd yn seiliedig ar wybodaeth:

- Egwyddorion a gwerthoedd Iechyd a Gofal Cymdeithasol
- Iechyd a Lles
- Ymarfer proffesiynol fel gweithiwr Iechyd a gofal cymdeithasol
- Diogelu unigolion
- Iechyd a Diogelwch mewn Iechyd a Gofal

Unwaith y bydd yr unedau craidd wedi'i gwblhau, byddwch wedyn yn symud ymlaen i'r rhan ymarferol o'r cymhwyster. Ar gyfer weithwyr Gofal byddwch yn gweithio tuag at gymhwyster lefel 2. Yn dilyn trafodaeth gyda'ch mentor byddwch yn dewis unedau lle mae gennych chi ddigon o dystiolaeth ar eu cyfer.



Lefel 2/3 Gofal ac Iechyd Plant

Mae'r cymhwyster yma yn cynnwys 5 uned sydd yn seiliedig ar wybodaeth:

- Egwyddorion a gwerthoedd Iechyd a Gofal Cymdeithasol
- Iechyd a Lles
- Ymarfer proffesiynol fel gweithiwr Iechyd a gofal cymdeithasol
- Diogelu unigolion
- Iechyd a Diogelwch mewn Iechyd a Gofal

Unwaith y bydd yr unedau craidd wedi'i gwblhau, byddwch wedyn yn symud ymlaen i'r rhan ymarferol o'r cymhwyster a fydd ar lefel 3. Yn dilyn trafodaeth gyda'ch mentor am dasgau dyddiol byddwch wedyn dewis unedau lle mae gennych chi ddigon o dystiolaeth ar eu cyfer.

Rheolwr cofrestredig



Ti ddim yn
meindio dod i
dy waith.

Sharron Jones
Rheolwr cartref
preswyl

Er mwyn datblygu i fod yn rheolwr mae angen cwblhau Lefel 4 a 5 Iechyd a Gofal

Mae Lefel 4 Iechyd a Gofal yn Paratoi ar gyfer Arwain a Rheoli -
Mae'r cymhwyster yn cynnwys yr unedau canlynol

- Deddfwriaeth, damcaniaethau a modelau ymarfer person/plentyn-ganolog
- Fframweithiau damcaniaethol ar gyfer arweinyddiaeth a rheolaeth mewn iechyd a gofal cymdeithasol
- Arwain a rheoli perfformiad tîm effeithiol mewn gwasanaethau iechyd a gofal cymdeithasol

Unwaith y bydd lefel 4 wedi'i chwblhau, byddwch wedyn yn symud
ymlaen i'r rhan ymarferol o'r cymhwyster a fydd ar lefel 5

Yn dilyn trafodaeth gyda'ch mentor ar y tasgau byddwch yn eu cynnal
yn ddyddiol byddwch wedyn yn dewis unedau lle mae gennych chi
ddigon o dystiolaeth ar eu cyfer.



Therapydd Galwedigaethol

Nod Therapi Galwedigaethol (Occupational Therapy) yw gwella gallu person i wneud tasgau bob dydd os yw unigolyn yn wynebu anawsterau.

Mae Therapyddion Galwedigaethol yn gweithio gyda phobl o bob oed i edrych ar bob agwedd o fywyd bob dydd yn eu cartref, ysgol neu weithle. Maent yn edrych ar weithgareddau rydych chi'n eu cael yn anodd ac yn gweld a oes ffordd arall y gallwch chi eu gwneud.

Byddant yn gwneud asesiadau ar unigolion sydd yn dod adref o'r Ysbyty er enghraifft, gan weld pa addasiadau sydd angen gwneud i'r cartref i fyw bywyd cyfforddus e.e. rhoi stairlift mewn, trefnu bod cadair olwyn ar gael ayyb.

Mae nifer o dimau Therapi Galwedigaethol yng Ngwynedd sydd yn gwasanaethu oedolion, plant ac unigolion hefo anableddau dysgu ar draws y sir. Gallwn leoli chi gyda thîm yn yr ardal fwyaf cyfleus i chi.

Er mwyn llwyddo i fod yn Therapydd Galwedigaethol bydd angen cwblhau gradd drwy'r brifysgol Agored a Phrifysgol Glyndŵr Wrexham.

Bydd y gradd yn cael ei gyllido gan yr Academi.



Gweithiwr Cymdeithasol

Cael cyfle i gyfarfod gwahanol bobl a helpu nhw yn y lle maen nhw ar hyn o bryd.



Dylan Owen
Gweithiwr
Cymdeithasol

Mae Gweithwyr Cymdeithasol yn gwneud gwahaniaeth i fywydau unigolion a'u teuluoedd gan eu helpu i fyw eu bywydau yn fwy llwyddiannus.

Fel Gweithiwr Cymdeithasol byddwch yn gweithio hefo pobl i ddarganfod datrysiadau i'w problemau. Gall hyn olygu rhoi llais i unigolion, amddiffyn pobl fregus rhag niwed a chefnogi pobl i fyw yn annibynnol. Mae nifer o dimau Gwaith Cymdeithasol gwahanol o fewn y Cyngor gan gynnwys - timau plant, timau oedolion, timau anabledd dysgu a thîm iechyd meddwl.

Er mwyn llwyddo i fod yn Weithiwr Cymdeithasol bydd rhaid cwblhau gradd B.A Gwaith Cymdeithasol Bydd hwn yn cael eu cyllido drwy'r Academi.

Mae hon yn gwrs gradd 3 mlynedd

Blwyddyn 1 - Cyflwyniad i Iechyd a Gofal Cymdeithasol

Blwyddyn 2 - Y gyfraith o fewn Gwaith Cymdeithasol

Blwyddyn 3 - Ymarfer Gwaith Cymdeithasol hanfodol a dewis o un o'r modiwlau canlynol

Iechyd meddwl, Iechyd a Gofal Cymdeithasol, rheoli ac arwain, bywydau ifanc



Sut i ymgeisio

Edrychwch allan ar ein cyfryngau cymdeithasol am wybodaeth pan fydd swyddi yn cael eu hysbysebu.

Bydd y swyddi ar gael ar wefan Cyngor Gwynedd,

Darllenwch y swydd ddisgrifiad a'r manylion person yn ofalus byddwch angen defnyddio'r wybodaeth a roddir yma i ateb eich cais yn llwyddiannus.

Wrth ymgeisio ar y we:

- Dewiswch yr opsiwn Ceisio ar lein.
- Bydd angen Creu cyfrif newydd, neu fewngofnodi.
- Gallwch arbed eich cais a dod yn ôl ato ar unrhyw bwynt cyn y dyddiad cau i wneud newidiadau / addasiadau.
- Bydd eich sesiwn yn dod i ben ar ôl 20 munud o wneud dim a bydd unrhyw waith diweddar yn cael ei golli. Er mwyn atal hyn mae angen i chi arbed eich gwaith yn aml. Bydd arbed eich gwaith yn mynd â chi yn ôl i dudalen Fy Nghais.

Pob lwc!





Am fwy o wybodaeth;

www.gwynedd.llyw.cymru/AcademiGofalGwynedd

gofalu@gwynedd.llyw.cymru

